

■ ŠTA UKOLIKO TREBAM BORAVITI U NEKOJ OD ZEMALJA DUŽE OD 90 DANA?

Boravak bez vize duži od 90 dana ilegalan je i može rezultirati trajnom zabranom ulaska u zemlje Šengena. Samo uz odgovarajuću dugoročnu vizu, boravišnu ili radnu dozvolu moguće je trajno boraviti u nekoj od zemalja Šengena.

Dakle, ako želite da boravite u zemljama Šengena duže od 90 dana u periodu od 6 mjeseci, obratite se ambasadi ili konzularnom predstavništvu države u kojoj želite boraviti kako biste dobili informacije o mogućnostima produženog boravka.

■ POSTOJE LI JOŠ NEKI USLOVI ZA ULAZAK U ZEMLJE ŠENGENA BEZ VIZE?

Osim što trebate posjedovati biometrijski pasoš i poštovati ograničenja u dužini boravka, ne postoje drugi posebni uslovi za ulazak u zemlje Šengena.

Generalni uslovi za ulazak u zemlje Šengena za građane koji nisu državlјani Evropske unije ostaju na snazi, tako da pojedinačne granične službe mogu od vas zahtijevati dokaz o posjedovanju novčanih sredstava za boravak u toj zemlji ili informaciju o adresi na kojoj ćete odsjeti.

Također, granične službe imaju pravo odbiti ulazak onim građanima za koje smatraju da su prijetnja javnom redu, zdravlju ili međunarodnoj sigurnosti.

Za više informacija o bezviznom režimu za zemlje Šengena posjetite web stranice Ministarstva sigurnosti BiH (www.msb.gov.ba) i Delegacije Evropske unije u BiH (www.europa.ba)

Putujte sigurno!

Bosna i Hercegovina
Ministarstvo sigurnosti



Босна и Херцеговина
Министарство безбједности



EVROPSKA UNIJA



■ KAKO DA PUTUJEM BEZ VIZA?

Od 15.12.2010. godine svim građanima Bosne i Hercegovine koji posjeduju važeći biometrijski pasoš neće trebati vize za ulazak u zemlje Šengena.

Vaš pasoš je biometrijski ako na koricama ima oznaku:




Bezvizni režim isključivo važi za kratkoročna putovanja i stoga vam ne omogućava trajni boravak ili zaposlenje u bilo kojoj od zemalja Šengena.

■ U KOJE ZEMLJE MOGU PUTOVATI BEZ VIZE?

Zemlje Šengena i Evropske unije u koje je moguće putovati bez vize su:

- Austrija
- Belgija
- Bugarska
- Češka Republika
- Danska
- Estonija
- Finska
- Francuska
- Grčka
- Holandija
- Island
- Italija
- Kipar
- Latvija
- Litvanija
- Luksemburg
- Mađarska
- Malta
- Njemačka
- Poljska
- Portugal
- Rumunija
- Slovačka
- Slovenija
- Španija
- Švedska
- Švicarska
- Norveška

Gradani Bosne i Hercegovine i dalje će trebati vize za ulazak u Veliku Britaniju i Irsku, jer su ove dvije zemlje izvan Šengen zone.



■ ŠTA UKOLIKO NE POSJEDUJEM NOVI BIOMETRIJSKI PASOŠ?

Putovanje bez vize u zemlje Šengena nije moguće sa starim pasošima, koji nisu biometrijski. Ukoliko posjedujete stari pasoš, i dalje možete nakon 15.12.2010. godine putovati s njim, ali vam je za ulazak u zemlju Šengena u koju putujete potrebna viza.

■ ŠTA ZNAČI DA BEZVIZNI REŽIM VAŽI SAMO ZA KRATKOROČNA PUTOVANJA?

Bezvizni režim omogućava vam da u zemljama Šengena provedete najviše 90 dana tokom 6 mjeseci.

Sestomjesečni periodi računaju se od dana prvog ulaska u zemlje Šengena. Naprimjer, ukoliko je vaš prvi ulazak bio 1. februara, onda možete, tokom narednih 6 mjeseci, sve do 31. jula, provesti ukupno 90 dana u zemljama Šengena.

Ovih 90 dana možete iskoristiti tokom jedne posjete ili u sklopu više putovanja, ali je bitno da vodite računa o broju dana koje ste proveli u zemljama Šengena. Važno je da nakon 90 dana boravka obavezno napustite zonu Šengena sve dok ne prođe period od 6 mjeseci od vašeg prvog ulaska. Kada tih 6 mjeseci prođe, tada za vas počinje naredni sestomjesečni ciklus u kojem ponovo možete provesti 90 dana u zemljama Šengena.

